

U skladu s članom 23. Statuta Brčko distrikta Bosne i Hercegovine («Službeni glasnik Brčko distrikta BiH», brojevi 1/00 i 7/04), Skupština Brčko distrikta Bosne i Hercegovine na 16. sjednici održanoj 30. juna i 07. jula 2005. godine, usvaja

ZAKON

O ADMINISTRATIVNIM TAKSAMAMA

I. OPĆE ODREDBE

Član 1

Ovim zakonom utvrđuju se administrativne takse koje se plaćaju za podneske, akte, isprave i radnje u upravnim i drugim stvarima (u daljem tekstu: spisi i radnje) kod organa uprave Brčko distrikta Bosne i Hercegovine (u daljem tekstu: Brčko distrikt) i drugih pravnih lica kojima je povjereno da samostalno rješavaju u upravnim stvarima o pravima i obavezama.

Član 2

- (1) Spisi i radnje za koje se plaća taksa, kao i visina takse utvrđuju se taksenom tarifom.
- (2) Taksa se može naplatiti samo ako je propisana taksenom tarifom.

1. Takseni obveznik

Član 3

- (1) Takseni obveznici su sva fizička i pravna lica po čijem se zahtjevu postupak pokreće, odnosno vrše radnje predviđene taksenom tarifom.
- (2) Ako za istu taksu postoje dva ili više taksenih obveznika, njihova obaveza je solidarna.

2. Taksena obaveza

Član 4

- (1) Ako taksenom tarifom nije drugačije propisano, taksena obaveza nastaje:
 - a) za podneske - u trenutku kada se predaje, a podneske date u zapisnik - kad se zapisnik sastavlja;
 - b) za akte i druge isprave – u trenutku podnošenja zahtjeva za njihovo izdavanje;
 - c) za pravne radnje – u trenutku podnošenja zahtjeva za izvršenje tih radnji.
- (2) Taksa se plaća u trenutku nastanka taksene obaveze.

Član 5

U aktu ili drugoj ispravi za koju je taksa plaćena mora se označiti da je taksa plaćena, u kojem iznosu i po kojem tarifnom broju.

Član 6

Za podnesak za koji nije plaćena ili nije dovoljno plaćena taksa organ nadležan za odlučivanje po zahtjevu, pozvat će taksenog obveznika opomenom da u roku od 8 (osam) dana od dana prijema opomene plati redovnu taksu i taksu za opomenu.

Član 7

Ako u ostavljenom roku takseni obveznik ne plati ili nedovoljno uplati taksu za podnesak, organ uprave zatražit će od Porezne uprave Brčko distrikta BiH da naplati taksu prinudnim putem u skladu sa odredbama zakona o Poreznoj upravi Brčko distrikta BiH.

Član 8

Kad je taksu dužno da plati lice koje ima prebivalište u inostranstvu, a taksu nije platilo u trenutku nastanka obaveza, naplata takse izvršit će se prije uručenja akta kojim je postupak okončan.

3. Taksena osnovica

Član 9

Ako je taksenom tarifom propisano da se taksa plaća prema vrijednosti predmeta, kao osnovica za obračunavanje takse uzima se vrijednost označena u podnesku ili ispravi ili vrijednost utvrđena procjenom organa koji vodi postupak.

Član 10

(1) Kada se isprava, za koju se plaća taksa po zahtjevu stranke izdaje u dva ili više primjeraka, za drugi i svaki naredni primjerak plaća se taksa kao za prijepis ili ovjeru prijepisa.

(2) Taksa iz prethodnog stava ne može biti veća od takse za prvi primjerak.

II OSLOBAĐANJE OD PLAĆANJA TAKSI

Član 11

Spisi i radnje u postupcima koji se vode po službenoj dužnosti između organa i institucija Brčko distrikta ne podliježu plaćanju administrativnih taksi.

Član 12

Od plaćanja takse oslobođeni su:

1. građani za prijavu na konkurse za zasnivanje radnog odnosa za spise i radnje u vezi sa ostvarivanjem i zaštitom prava iz radnog odnosa;
2. građani koji se privremeno nalaze van radnog odnosa u postupku za dobijanje materijalnog osiguranja i drugih prava koja im po tom osnovu pripadaju;
3. građani slabog imovinskog stanja na osnovu potvrde Pododjeljenja za socijalnu zaštitu;
4. humanitarne i dobrotvorne organizacije;
5. organizacije za zaštitu lica sa fizičkim i psihičkim nedostacima i poremećajima za spise i radnje u vezi s vršenjem djelatnosti;
6. spisi i radnje u postupku za povrat nepravilno plaćenih dažbina;
7. spise i radnje neophodne za školovanje učenika do 20 godina života i studenti do 25 godina života uz predočenje dokaza;
8. spisi i radnje u postupku za sastavljanje i ispravku biračkih spiskova i spiskova za kandidovanje;
9. spisi i radnje u postupku za ispravljanje grešaka u aktima, ispravama i službenim evidecijama;
10. spisi i radnje u postupku usvojenja i postavljanja staratelja;
11. spisi i radnje za ostvarivanje prava iz zdravstvenog, penzijskog i invalidskog osiguranja;
12. prijave i upisi u matične knjige;
13. prijave i objave prebivališta i boravišta građana;
14. spisi i radnje u postupku za ostvarivanje prava na dodatak za djecu;
15. spisi i radnje u vezi sa zaštitom spomenika kulture;
16. spisi i radnje u postupku za sahranu umrlih
17. podnesci upućeni organima za predstavke i pritužbe;
18. spisi i radnje u vezi s prijemom poklon - paketa od dobrotvornih organizacija iz inostranstva, ako su upućeni dobrotvornim organizacijama u Brčko distriktu;

19. spisi i radnje u vezi s priznavanjem prava na povlaštenu vožnju građanima kojima to pravo pripada po važećim propisima;
20. originali diplome, svjedočanstva i druge isprave o završenom školovanju ili klasifikaciji, osim njihovih duplikata i prijevoda;
21. građani koji poklanjaju svoju imovinu u korist Brčko distrikta ili se odriču prava vlasništva kao i za prijenos vlasništva;
22. spisi i radnje u postupku prijenosa na Brčko distrikt nekretnina po osnovu nacionalizacije, eksproprijacije, arondacije, komasacije i slično;
23. spisi i radnje u postupku ostvarivanja prečeg prava kupovine nekretnina u korist Brčko distrikta;
24. sve vrste prijave i priloga uz njih za razrez poreza na dohodak;
25. spisi i radnje u postupku za ostvarivanje prava boraca;
26. spisi i radnje za ostvarivanje prava RVI (od 1- 4 kategorije).

Član 13

U aktima i ispravama koje su oslobođene od plaćanja takse, mora se označiti radi čega se izdaju i na osnovu kojeg propisa su oslobođeni od takse.

Član 14

Pod uslovima reciprociteta, strani državljani imaju ista prava i obaveze po propisima o taksama kao i građani Brčko distrikta.

III. POVRAT TAKSE

Član 15

(1) Lice koje je platilo taksu koju po ovom zakonu nije bilo dužno da plati ili je taksu platilo u iznosu većem od propisanog ima pravo na povrat više plaćene takse.

(2) Postupak za povrat takse pokreće se po zahtjevu stranke.

(3) Rješenje o povratu takse donosi nadležni organ kome je taksa plaćena. Rješenje se radi u 4 (četiri) primjerka od kojih se jedan primjerak upućuje stranci, jedan Odjeljenju za budžet i finansije, jedan Upravi prihoda – Sektoru za ubiranje prihoda i jedan arhivi odjeljenja.

(4) Povrat takse vrši se na teret prihoda budžeta Brčko distrikta.

IV. ZASTARIJEVANJE

Član 16

Pravo na naplatu takse zastarijeva za dvije godine od isteka godine u kojoj je taksu trebalo platiti, a pravo na povrat više plaćene takse zastarijeva za dvije godine od dana kada je taksa plaćena.

V. NADZOR

Član 17

Nadzor nad primjenom ovog zakona vršit će Uprava prihoda Brčko distrikta BiH.

VI. PLAĆANJE TAKSI

Član 18

Takse se plaćaju u gotovom novcu – u konvertibilnim markama.

Član 19

Za spise i radnje kod organa Brčko distrikta i organizacija na koje su prenesena ovlaštenja, takse se plaćaju po sljedećoj tarifi administrativnih taksi Brčko distrikta:

TARIFA ADMINISTRATIVNIH TAKSI

Takse na spise i radnje u upravnim i drugim stvarima kod organa uprave Brčko distrikta iznose u KM, i to:

PODNESCI

Tarifni broj 1

Na podneske 5 KM,
osim zahtjeva za izdavanje izvoda i uvjerenja iz matične evidencije;

Napomena:

1. Pojam «podnesak» propisan je u članu 50 Zakona o upravnom postupku Brčko distrikta Bosne i Hercegovine («Službeni glasnik Brčko distrikta BiH», brojevi 3/00 i 8/03);
2. Taksa po ovom tarifnom broju ne plaća se na naknadne podneske kojim stranka zahtijeva samo brži postupak po njima.

Tarifni broj 2

Na žalbe protiv rješenja 5 KM;

AKTI

Tarifni broj 3

Za sva rješenja 5 KM;

Napomena:

1. Akt je svaki pisani sastav kojim se pokreće, mijenja, prekida ili završava neka službena radnja organa uprave, odnosno službe;
2. Ako se donosi rješenje po zahtjevu više lica, taksa po ovom tarifnom broju plaća se onoliko puta koliko ima lica kojima se rješenje dostavlja;
3. Za rješenja donesena po žalbi ne plaća se taksa.

Tarifni broj 4

Za akte kojima se utvrđuje ispunjenost uslova za obavljanje djelatnosti, taksa se plaća:

- | | |
|---------------------------------------------------------------------------------------------------------------------------------------------------------------------------------------------|--------|
| 1. Proizvodnja obuhvaćena šiframa od 01.110 do 41.000 | 50 KM |
| 2. Građevinarstvo obuhvaćeno šiframa od 45.110 do 45.500 | 50 KM |
| 3. Trgovina motornim vozilima i motociklima, održavanje i popravak motornih vozila i motocikala, trgovina na malo motornim gorivima i mazivima, obuhvaćena šifrom od 50.101 do 51.700 | 100 KM |
| 4. Trgovina na veliko i posredovanje u trgovini obuhvaćena šiframa od 51.110 do 51.700 51.700 | 100 KM |
| 5. Trgovina na malo obuhvaćena šiframa od 52.110 do 52.740 | 100 KM |
| 6. Ugostiteljstvo obuhvaćeno šiframa od 55.110 do 55.520 | 100 KM |
| izuzev šifri 55.110 i 55.120 za koje se plaća taksa u iznosu od | 200 KM |
| 7. Saobraćaj obuhvaćen šiframa od 60.101 do 64.200 | 50 KM |
| 8. Kompjuterske i srodne aktivnosti obuhvaćene šiframa od 72.100 do 72.600 | 50 KM |
| 9. Finansijsko posredovanje, poslovi sa nekretninama, iznajmljivanje mašina i opreme, obuhvaćeno šiframa od 65.110 do 71.400 | 50 KM |
| 10. Kompjuterske i srodne aktivnosti obuhvaćene šifrom od 72.100 do 74.840 | 50 KM |
| 11. Autoškole | 100 KM |
| 12. Zdravstvena djelatnost obuhvaćena šiframa od 85.110 do 85.200 | 100 KM |
| 13. Uklanjanje otpadnih voda šifra 90.000 | 50 KM |
| 14. Rekreativne, kulturne i sportske djelatnosti obuhvaćene šiframa od 92.110 | |

do 92.712	50 KM
15. Ostale uslužne djelatnosti obuhvaćene šiframa od 93.010 do 93.050	50 KM
16. Javni prijevoz lica i robe plovnim objektima	50 KM
.....	
17. Sve ostale nepomenute djelatnosti	50 KM

Napomena: Ukoliko se zahtjevom traži utvrđivanje ispunjenosti uslova za obavljanje više djelatnosti iz iste grupe djelatnosti, navedene u tačkama 1-17 ovog tarifnog broja, plaća se jedan iznos takse.

Tarifni broj 5

Za izdavanje plovidbene dozvole	40 KM.
---------------------------------------	--------

Tarifni broj 6

Za izdavanje odobrenja za obavljanje prijevoza za vlastite potrebe u drumskom saobraćaju	30 KM
Za svaku izmjenu odobrenja za obavljanje prijevoza za vlastite potrebe u drumskom saobraćaju plaća se	5 KM

ISPRAVE

Tarifni broj 7

Za izdavanje:	
Izvoda iz matičnih knjiga-domaći.....	2 KM
Izvoda iz matičnih knjiga-inostrani.....	5 KM
Uvjerenja.....	5 KM
Za obavljanje čina:	
Vjenčanja.....	30 KM
Vjenčanja van matične službe po zahtjevu stranke.....	50 KM

Napomena:

- Pojam «isprava» propisan je u članu 149 stavu 1 i članku 156 stavu 1 Zakona o upravnom postupku Brčko distrikta Bosne i Hercegovine («Službeni glasnik Brčko distrikta BiH», brojevi 3/00 i 8/03);
- Ukoliko stranka jednim ili putem više zahtjeva traži više isprava taksa će biti onoliko puta naplaćena koliko se isprava traži.

Tarifni broj 8

Za duplikat isprave o završenom školovanju ili stručnoj kvalifikaciji, kao i izdavanje fotokopija dokumenata iz arhive	5 KM.
------------------------------------------------------------------------------------------------------------------------------	-------

Tarifni broj 9

Za uvjerenje kojim se dokazuje porijeklo, vrijednost, količina, kvalitet ili zdravstvena ispravnost robe	5 KM.
----------------------------------------------------------------------------------------------------------------	-------

Napomena: Ova taksa ne plaća se na inostrane poštanske deklaracije koje prate sprovodni list.

RADNJE

Tarifni broj 10

Za ovjeru potpisa, rukopisa i prijepisa fizičkih lica:	
a) Za ovjeru svakog potpisa	1 KM
b) Za ovjeru autentičnosti rukopisa, za ovjeru prijepisa ili fotokopija od svakog polutabaka	0,5 KM
c) Za ovjeru potpisa na punomoći	5 KM
Za ovjeru svakog potpisa, rukopisa i prijepisa pravnih lica	5 KM
Za ovjeru potvrde, odnosno uvjerenja o izdržavanju koje se koristi u inostranstvu.....	30 KM

Napomena:

1. Radnja je djelatnost koju organ u granicama svoje nadležnosti preuzima po zahtjevu stranke.
2. Pod polutabakom podrazumijeva se list papira od dvije strane normalnog kancelarijskog ili papira manjeg formata (22 x 25 cm).

Tarifni broj 11

Za ovjeru plana 5 KM

Tarifni broj 12.

Za ovjeru kaligrafske kopije plana (crteža) plaća se od cijelog započetog kvadratnog metra 5 KM

Tarifni broj 13

Za ovjeru potpisa na ugovorima na ime takse plaća se 0,5% od vrijednosti:
 najmanje 2 KM
 najviše 30 KM
 Za ovjeru produženja roka važenja ugovora plaća se 50% takse iz prethodnog stava
 Za ovjeru potpisa na ugovorima koji su neophodni za dobijanje kredita, plaća se minimalna taksa 2 KM

Napomena:

1. Svaka izmjena sadržaja ugovora smatra se u pogledu takse kao nov ugovor,
2. Taksa po stavu 1 ovog tarifnog broja plaća se na vrijednost koja je u ugovoru utvrđena,
3. Ako je vrijednost ugovora procijenjena ali nije naznačena, za ovjeru ugovora plaća se dvostruka taksa iz ovog tarifnog broja.

Tarifni broj 14

Za prepisivanje službenih akata ili dokumenata:
 a) Kad prepisivanje vrše zainteresovana lica, od polutabaka originala 10 KM
 b) Kad prepisivanje vrši organ, organizacija ili zajednica od polutabaka originala 10 KM
 c) Kad organ, organizacija ili zajednica vrši prepisivanje akata li dokumenata na stranom jeziku, od polutabaka originala 30 KM

Napomena:

1. Važe odredbe iz tačke 1 napomene u tarifnom broju 10,
2. Taksa iz tarifnog broja 15 važi za prvi polutabak, a za svaki sljedeći polutabak plaća se po 5 KM.

Tarifni broj 15

Za izdavanje urbanističke saglasnosti:
 a) Za nužno prateće objekte (drvarnice, šupe, bunare, poljske nužnike i slično) 5 KM
 b) Za druge prateće objekte (garaže, priručna skladišta, otvorene nastrešnice, ljetne kuhinje i slično) 10 KM
 c) Za ostale građevne objekte, od predračunske vrijednosti 1% ili
 - minimalno..... 30 KM
 - maksimalno..... 300 KM

Napomena:

1. Ako se urbanistička saglasnost daje u cilju informisanja taksa iz prethodnog tarifnog broja plaća se:
 - do 1000 m² zemljišta za koje se utvrđuju urbanistički uslovi 15 KM,
 - preko 1000 m² zemljišta 20 KM.
2. Taksa iz ovog tarifnog broja plaća se i na urbanističku saglasnost za podizanje privremenih objekata.

Tarifni broj 16

Za izdavanje protokola regulacije ili građevinske linije:	
a) Za jednu ulicu	10 KM
b) Za više ulica	20 KM

Napomena:

1. Za obnovu regulacionog polja plaća se 70% od odgovarajuće takse iz ovog tarifnog broja.

Tarifni broj 17

Za pregled – reviziju projekta:	
a) Za građanska lica	10 KM
b) Za pravna lica 0,3% (promila) predračunske vrijednosti projekta	
c) Za saglasnost na prilog mjera zaštite na radu projekta	20 KM
d) Elektroenergetska saglasnost na projekat elektroenergetskog inspektora	20 KM
e) Sanitarna saglasnost na lokaciju i projektnu dokumentaciju	20 KM
f) Saglasnost na projektovane mjere i normativa zaštite od požara u tehničkoj dokumentaciji	20 KM

Tarifni broj 18

Za akte kojima se odobrava podizanje građevinskih objekata koji nisu podložni taksi po tarifnom broju 19 ove tarife i to:

a) Za manje poljoprivredne objekte	10 KM
b) Za ostale građevinske objekte	20 KM

Tarifni broj 19

Za odobrenje za podizanje hidrotehničkih postrojenja u cilju korištenja vodenih snaga i to:

1. Za protočna postrojenja (elektrane, vodenice, vajarnice, strugare i mlinove):	
a) do 350 KW	35 KM
b) preko 350 – 700 KW	70 KM
c) preko 700 KW	100 KM

Napomena:

1. Taksa po ovom tarifnom broju ne plaća se za odobrenja koja su podložna taksi po tarifnom broju 20 ove tarife.

Tarifni broj 20

Za odobrenje za građenje investicionih objekata plaća se taksa od 0,1% od vrijednosti objekta ili

- minimalno	150 KM
- maksimalno	1500 KM

Tarifni broj 21

Za pregled cijelih stambenih zgrada ili pojedinih prostorija u svrhu davanja odobrenja za upotrebu:

a) do sedam prostorija	50 KM
b) preko sedam prostorija – po prostoriji	10 KM

Za pregled investicionih građevinskih objekata (novih, rekonstruisanih i adaptiranih) u cilju izdavanja dozvola za upotrebu 0,5% (promila) od predračunske vrijednosti objekta.

Napomena:

1. Taksa po stavu 1 tačke b ovog tarifnog broja ne može iznositi više od 100,00 KM.
2. Taksa po stavu 2 ovog tarifnog broja ne odnosi se na odobravanje upotrebe objekta za koje je propisana posebna taksa u tarifnom broju 22 ove tarife.

3. Taksa iz ovog tarifnog broja ne plaća se za pregled izgrađenih stanova – građevinskih objekata iz Fonda za solidarnu stambenu izgradnju.

Tarifni broj 22

- | | |
|-------------------------------------------------------------------------------------------------------------------------------------------------------------------------------------------------------------------------------------------|-------|
| 1. Za tehnički pregled mašinskih, elektrotehničkih, elektromašinskih, plinskih i drugih postrojenja, koja po postojećim propisima podliježu obaveznom pregledu radi dobijanja odobrenja za upotrebu, plaća se po radnom satu komisije | 40 KM |
| 2. Za preglede i ocjenu tehničke opremljenosti, zaštite na radu, sanitarno-tehničkih uslova, zaštite i unapređivanja čovjekove sredine i ispunjenosti drugih uslova propisanih zakonom, poslovnih prostora u kojima se obavlja djelatnost | 50 KM |
| 3. Za pregled vozila u pogledu ispunjavanja tehničko-eksploatacionih uslova | 30 KM |
| 4. Za izradu fotodokumentacije o kriminalističko-tehničkom pregledu motornog ili priključnog vozila izvršenog u krugu policije | 50 KM |
| 5. Za izradu fotodokumentacije o kriminalističko-tehničkom pregledu motornog ili priključnog vozila izvršenog van kruga Policije Brčko distrikta BiH | 70 KM |

Tarifni broj 23

Za izdavanje odobrenja za rad stranim državljanima.....100 KM.

VII. PRIJELAZNE I ZAVRŠNE ODREDBE

Član 20

Danom stupanja na snagu ovog zakona prestaje da važi Odluka o usklađivanju administrativnih taksi na području Brčko distrikta («Službeni glasnik Brčko distrikta BiH», brojevi 9/00 i 11/01).

Član 21

Za akte i radnje u upravnim stvarima za koje je taksena obaveza nastala do dana stupanja na snagu ovog zakona, naplatit će se taksa koja je bila propisana u trenutku nastajanja taksene obaveze.

Član 22

Ovaj zakon stupa na snagu 8. (osmog) dana od dana objavljivanja u «Službenom glasniku Brčko distrikta BiH».

Босна и Херцеговина
БРЧКО ДИСТРИКТ
БОСНЕ И ХЕРЦЕГОВИНЕ
 СКУПШТИНА БРЧКО ДИСТРИКТА

Bosna i Hercegovina
BRČKO DISTRIKT
BOSNE I HERCEGOVINE
 SKUPŠTINA BRČKO DISTRIKTA

Broj: 0-02-022-147/05
 Brčko, 07. juli 2005. godine

PREDSJEDNIK
 SKUPŠTINE BRČKO DISTRIKTA BiH

Prof. dr. Milan Tomić